

तोऽधिमृन्मये दारुमये रजते हरिते तेभ्यस्ताभ्यो द्वे ते
ऽन्नं पयोघृतं सोमं य एवं वेदोपैनं तस्य तावभिभ्रातृ-
व्यानमदुहत् पयोऽदुहद् घृतमदुहत् सोममदुहत् ॥*॥

दशमोऽनुवाकः ।

पूजापतिरिन्द्रमसृजतानुजावरं देवानां । तं प्राहि-
णोत् । परे हि । एतेषां देवानामधिपतिरेधीति । तं दे-
वाऽब्रुवन् । कस्त्वमसि । वयं वै त्वच्छ्रेयांसः स्म इति ।
सोऽब्रवीत् । कस्त्वमसि वयं वै त्वच्छ्रेयांसः स्म इति मा
देवाऽब्रुवन् । अथ वा इदं तर्हि पूजापतौ हर-
आसीत् ॥ १ ॥

यदस्मिन्नादित्ये । तदेनमब्रवीत् । एतन्मे प्रयच्छ ।
अथाहमेतेषां देवानामधिपतिर्भविष्यामीति । कोऽहं
स्यामित्यब्रवीत् । एतत् पृदायेति । एतत्स्यादित्यब्रवीत् ।
यदेतद्विषीति । कोहवै नाम पूजापतिः । य एवं वेद
॥ २ ॥

विदुरेनं नाम्ना । तदस्मै रुक्मं कृत्वा प्रत्यमुञ्चत् । त-
तोवा इन्द्रो देवानामधिपतिरभवत् । य एवं वेद । अ-
धिपतिरेव समानानां भवति । सोऽमन्यत । किं किं वा